

國朝閨秀正始集



國朝閩秀正始集卷三

完顏暉 珠珍浦輯 女孫妙蓮保校序

許氏 奉天鐵嶺人鎮平將軍一等男謚襄毅徐治都室 誥封一品夫人 夫人精

韜鈴善騎射偕襄毅公出兵每自結一隊相為犄角以故戰功居最康熙十三年吳

逆犯湖南襄毅公往援尋陵夫人駐防江口十五年鎮將楊來嘉叛應譚洪夫人脫

簪珥犒師曉以大義沿江剿殺屢却之八月猝犯鎮署夫人中礮歿將軍榮毓榮等

特旨優卹予雲騎尉世職以次子永年襲

馬上歌

快馬輕刀夜斫營健兒疾走寂無聲歸來金盞齊

正始集 卷三

敲響不讓鬚眉是此行

張義姑 伏其名廣西桂林人 按義姑父官叅將有子四皆隸麾下康熙十二年吳逆

犯廣西將軍孫延齡叛應之叅將抗節不屈父子同殉難義姑聞之抽刀欲自到既

而曰吾不忍死者之未藏也乃遣人潛覓父兄屍瘞焉姑窺諸嫂無守意又哭曰吾

不忍死者之遂斬也會仲婦婉一男甫彌月卽擲之去義姑為糜粥哺兒相依惟一

姬晝夜紡績幸得存活兒稍長督課甚嚴遂成名以母事姑比歿建祠奉祀郡人重

之稱曰義姑許鴻磐為之傳

贈沁水孫節婦 節婦父卽楊屋山先生

析山高峻忠臣操沁水清寒節婦苦楊公有女嬪

于孫卓哉是女稱是父父既作忠女象賢早喪所
天淚如雨之死靡他誓柏舟斷機又見今孟母冰
霜獨勵三十秋兒乃成名孫繼武一身裕後更光
前不同庸碌委黃土翰軒太史來采風丹鳳翩翩
街

詔舞我持彤管拈瓣香千里遙將懿嫺譜西望縹
緲仙雲飛或在析山之崖兮沁水之滄

顧

荃字芬若直隸豐潤人巡撫諡文毅馬雄
鎮側室以節賜旌○芬若善書工寫

楸竹康熙甲寅文毅公巡撫廣西值吳逆
反滇南檄提督馬雄進剿遷延不發公具

王始集

卷三

二

紅香館

密疏遣子世濟入都請援會將軍孫延齡
叛應吳逆以兵劫公抗節不屈遂並家屬
囚於土室慕容陳文煥標弁易友亮等感
公忠義潛負幼子稚孫閒道入京告變越
二載吳世琮至粵迎公至烏金鋪百計誘
降公大罵遂被害土室聞變芬若偕李姬
及世濟妻董氏妾苗氏均自縊死夫人李
氏視棺殮畢北向再拜舉火自焚婢妾十
八人殉焉詳載一統志蔣苕
生太史演爲桂林霜傳奇

題自畫梅竹

欲寫孤山處士詩幾回握管費尋思水邊籬落眞
清絕萬个琅玕玉一枝

朱

氏湖南長沙人○氏遇吳逆亂爲營兵所
掠立志堅貞眾莫敢犯舟至小孤山投

江死其屍逆流三日浮至故居水濱夢語於父母驚起跡之獲其屍并得懷間絕句

絕命詞

少小伶俜畫閣時詩書曾奉母爲師波濤向夜悲
何急猶記燈前讀楚詞

狂帆慘說遇雙孤掩袖潸潸淚欲枯葬入江魚浮
海去不留羞塚在姑蘇

周仲姬

字淑和福建海澄人李堯封室著有二如居集○淑和有奇妹潤玉詩云碧梧漏下秋霜影猶是當年舊月痕俊逸可誦

讀忠愍公傳

正始集

卷三

三

紅香館

言行何堪一意危幾回抗疏起瘡痕殊勛早定浮
梁日大節非關就獄時後死七人無復恨先生千
載有餘悲盛時若遂歸田志海國應多墮淚碑

完顏兌

字悅姑滿洲人都統穆里瑪室 誥封一品夫人著有花塚閒吟○夫人能詩善書會輯古今閨閣瑣事爲一冊名花塚叢談

寄外

時鎮右衛

見說榆林塞雄藩作壯遊深林晨射虎大雪夜椎

牛君抱酬

恩志儂含寄遠愁邊風寒最早珍重襲輕裘

憫忠寺看白牡丹

三春花事太匆匆又駕巾車踏鞦韆紅一自香塵埋
戰骨玉顏惆悵對東風

孫

淑

字靜谷江蘇常熟人諸生許灝室舉人進益母○靜谷集中有達哉行作於九

十歲時述孫許兩家門戶之盛衰一已終身之閱歷皆樂天安命語也共五百餘言一時遠近傳誦

五日弔古

田文五日生屈原五日亡吉凶同此日理固難推

詳原與國休戚一死分所當漁父櫂自鼓詹尹龜

正始集

卷三

四

紅香館

宜藏抱石投湘流心與日月光文從狡兔計高枕

樂未央後合魏秦趙伐齊何披猖身死薛遂滅高

戶仍不祥文生雞狗雄原死蘅荃芳世人何夢夢

悲屈羨孟嘗我心獨不然臨風慨以慷撫時懷往

事聊進菖蒲觴

馬士琪

字韞雪四川西充人諸生張應垣室舉人甯母著有漱泉集片石齋燼餘草

山左道中

山行殊曲折亂石千餘轉背日烟嵐深向日烟嵐

淺倏忽生變態空翠恣沈湎登山人固多游山人

或鮮驅車過山麓孤懷自高簡我雖未游山自具
游山眼

大梁靈雨吟

溼雲壓風風無力白日茫茫光閉塞老龍怒吸江
水渾三春霖霖足三月蛟龍得志走高隄濤翻浪
湧墜天低大河南北皆澤國郊原一望沒田畦梁
園改革稱貧蹙比戶曾無三斗穀春麥秋禾委巨
波井烟處處聞啼哭哭之淚盡繼以血有司敲扑

還摧裂憂國惟知督賦租餓莩誰慮靡遺子吁嗟

正始集

卷三

五

紅香館

吁嗟真可哀驅車無計鬻嬰孩一女千錢男五百
逢人便售敢求益兒女悲號不肯行阿母含愁伴
加責兒去母孤悲不止強持兒價糶珠米無何米
盡復思兒將身潛縊綠楊裏早知兒失母難存悔
不當初一處死我聞此語心痛酸監門思得鄭公
官救民重繪他年像多恐

君王不忍看

君王仁聖真無極蠲賦恆逾千萬億減膳徹樂憂
思殷蓬萊殿上無顏色安得彼蒼施高厚雷電倏

易爲星斗陰陽和燮兩無乖永令斯民歌大有

閏月

流黃停夜織靜女惜清輝虛影聊隨扇涼風不隔
幃鸞羞霜鏡小鵲隱絳河微天末思君子山光點
數圍

除日滕邑署中樓望

高樓恆嬾眺除日一登臨暫放他鄉眼其如歲暮
心山風消臘雪霧氣混春陰曠志何年遂優游松

竹林

正始集

卷三

六

紅香館

落花

爛紅殘紫乍高低痛惜行人踏作泥六代鉛華蝴蝶
蝶夢一林風雨鷓鴣嗁徒聞湘瑟人何在再問胡
麻路已迷元亮尙存松菊徑不須空說武陵溪
亦知尤物豈長存獨把空條餞一樽膏少青鸞絲
已絕頰餘白獺玉爲痕將無藥就因奔月縱有香
來不返魂我欲笑花花笑我只憑青帝一評論

張果先生祠

樹覆荒岡一徑斜尙留驢跡徧天涯

山徑有先
生驢跡忘

機偶爾爲園叟無憇何妨尙主家浮世如暮迷亂
石兩前石局宛然春陰似酒醉桃花等閒識得中條好思
得餘閒學種瓜

崑石

天風不拔此山去留作人閒瑤島看自有神丁開
洞壑更無妙手寫峰巒嶙峋野鶴排空起宛轉蒼
龍帶怒盤記得拜逢當六月霜飛半壁使人寒

吳

江蘇江都人知府綺文知州江閩室著
有香臺集。按閩字辰六由舉人薦試

鴻博以
詩名。

正始集

卷三

七

紅香館

得家書

望盡停雲不見家忽傳錦鯉到
牕紗開緘瞥見平安字不負蘭缸一夜花

謝秀孫

字季蘭江西寧都州人徵士魏禧室。
按禧字水叔一字叔子以文學名薦鴻

博不就與季蘭偕隱翠微峰麓箋釋經傳
後叔子出遊卒於儀徵訃至季蘭絕粒不
食積十三日歿之

自翠微山望金精

薄暮秋初風木葉下庭圃夫君招我遊盤珊出坡
樹山菊垂好花陰影隨行步幾折臨高崖斂足不

敢願夫君指金精謂此汝所慕吳王洞口來仙女
雲中舉至今千百年烟霞生其處自憐長闈房荏
再秋草暮結廬十五載不識金精路夜月明空山
時聞鐘聲度憶我七八歲曾一隨諸婦巾車到洞
門嘿然生疑懼洞中忽有光雲殿凌丹艸翠竹搖
空寒白日蒙雨霧彷彿記曲水海棠緣石戶草色
映羅裙逐伴踏花去礪水溼弓鞋逡巡避母怒忽
忽三十年仍向峯頭住世事幾興衰家門亦多故
徵蘭不可期弄瓦杳無與出戶淚如絲入戶淚如

正始集

卷三

八

紅香館

雨人生能幾何年光如馳驚安得辭人間洒埽侍
仙馭

沈采蘋

江蘇武進人侍郎周清原室 誥封一品夫人。按清原字浣初以詩名康熙

巳未由監生舉鴻博授館職與夫人事親最孝

聖祖曾稱爲孝子書孝經賜之

秋思

花陰滿地影纖纖入夜風來怯卷簾埽盡浮雲天
宇淨動人秋思是銀蟾

施

坤

字資生河南儀封人進士張鉅卿室著有過雲吟

詠古

仗劍出昭關投吳秉節鉞一出敗荆師再起覆全
越英風震五湖霸圖日突兀奈何長寇讐忠言不
能入君王賜屬鏤臣罪當誅滅鴟夷江水寒天地
泣壯烈轉眼問吳宮繁華久歇絕青青館娃宮冷
冷蘇臺月長嘯海天空涼飈振林樾

彭

淑

字又徐江蘇華亭人諸生沈友聖室○
又徐詩文甚富而遺集未傳致董閱石
送友聖詩有河深詩句知多少惜別何人
似細君句周宿來贈友聖詩有若論借老
工文筆應是麗家愧不
如何其見重於時可知

正始集

卷三

九

紅香館

和友聖送別友人作

惜別陽關正夕曛一行哀雁訴離羣高朋分手如
虧月游子閒情似片雲社裏忍違陶處士座中曾
指孟參軍挂帆風色吳江冷尊酒何時再論文

葛

宜

字南有浙江寧海人諸生朱爾邁室著
有玉窓遺草○南有書畫算弈無不精
妙兼通西法能
以儀器測星象

雨泊臯亭山

雨色分高岸臯亭作客年宿雲封野店微火辨魚
船對酒山長暝題詩人未眠空嗟前路遠處處接

風煙

董

琴

字暉蘊浙江烏程人副榜量女諸生蔡雲室著有靜吟集

聞話八月朔日登海寧城外寺樓看日月並
出最爲奇觀因賦長句以紀其事

聞話海閒日月翕此景奇絕世無匹夜半移舟抵
僧寺登樓遙望星辰密四維茫茫八表昏天外諸
峯霧中失轉眼驟見水面瑩琉璃灼爍沸聲急須
臾照曜萬頃紅奔鬪驚吼波濤立五色晨霞錦不
如鼉鼉趨避蛟龍蟄金烏玉兔大如輪共浴鯨波

正始集

卷三

十

紅香館

吞復吸徐徐並起水中浮忽然一躍爭先出千尋
金柱入雲霄寶鏡旋收光隱匿乾坤豁達扶桑清
飄渺如見蓬萊窟晦明開朗景不窮變態百出難
盡述返照入城雞未鳴九衢寂寂人閉室靜思奇
景神欲飛惜我無緣到難必人生願若酒家仙醉
騎黃鶴弄白日不然直爲費長房縮地千里如咫
尺何堪寂寞墮塵中坐對秋風心悒悒

曉發

撥棹出溪口雞聲起草廬星稀天漸曉風動暑微

蘇遠樹低將沒遙山淡欲無行行入幽境宛在輞川圖

彭孫倩

字變如浙江海鹽人侍郎孫道女兄知縣陳龍孫室著有盤城遊草○按孫道

熙已未舉博學鴻詞
字羨門有才名順治己亥進士官主事康熙已未舉博學鴻詞
御試一等第一授編修兒時與變如同就塾穎異過人時稱雙壁

夜聞絃索

寒釭挑盡已三更何處歌聲惱客情殘月紙牕眠不穩照人離恨太分明

王素娟

字冰蟾四川蒲江人著有鏡閣秋聲

正始集

卷三

十一

紅香館

和雪君見示之作

香飛金粟一枝枝正值劉綱偕隱時怪我病魔偏作敵憐君書癡又成癡松亭花影驚風片竹檻茶烟亂雨絲五字聯吟聊共賞深閨誰道不相宜

李氏

號靜莊江蘇吳縣人舉人張九成室著有深柳居詩集

王霸

孺仲修士節應辟亦豎起陞謁不肯臣清名遍人耳侯公遜虛位遇毀輒復止藜藿歸自娛獨慚故人子軒車既非慕緼袍亦何恥不有賢婦箴安能

固終始

陶文柔

江蘇青浦人冰修女教諭葉永年室著有白雲樓詩草

秋日東歸夜泊

玉露傍江浮歸帆何處洲人疑湘水夜月照故鄉
秋短燭消殘夢清樽破旅愁別離難自主淚對白
雲流

江

蘭

字貞淑湖北漢陽人左副都御史九同女主事張淑珽室著有倚雲樓詩集○

康熙二十七年武昌兵變貞淑扶翁姑避深山中以免

夫子讀書九峯賦此志勸

正始集

卷三

七

紅香館

吾聞學問道紡績同其業積絲以成寸積寸以成
尺君今下董帷妾喜安能說無謂學既優經史眞
堪繹無謂年正少分陰眞堪惜無謂才華高斂氣
心方慙高堂有舅姑無煩君切切家事雖紛紜無
勞君籌畫君讀萬卷書妾織七襄帛妾盡爲婦道
君嘗令親悅轉盼秋風迴丹桂必攀折嫦娥有俊
眼勿令笑巾幘勉旃夫子兮莫憂室人謫

徐昭華

字伊璧浙江上虞人徵士成清女諸生駱加采室著有徐都講詩集○伊璧爲

女史商景徽女幼承母教詩名噪一時工楷隸善丹青毛西河太史題其畫幃有書

傳王逸少畫類管夫人句西河嘗曰吾門
雖多才以詩無如徐都講者都講蓋高弟
子之稱云

桃葉渡歌

可憐桃葉渡落日行人暮雙槳打清波春風緩送
桃葉過祇今桃葉渡頭稀艇子江頭歸不歸

因探親吳門同虞夫人遊虎邱

閶門日出晴鴉噪兩槳閒尋虎邱道宿霧猶含堤
上花流雲已渡波閒藻紅欄上下傍水行畫船歌
吹來傾城廻帆不盡摻搥意轉慢時聞過曲聲斜

王始集

卷三

十三

紅香館

峙山橋甫能住香車早趁山塘去滿街梔子未開
花幾樹垂楊自飛絮到門知是梵王宮臺榭連雲
曲徑通棕棚覆葉沾茶碧漆柱遮油賣杏紅我尋
生公舊法席褰裳一上生公石龍剝絕壁尙留池
虎去中林杳無跡登山四望更無山但見山藏古
寺閒繞地松楸看去密空庭掄影落來圓修廊詰
曲幾回度又聽歸鴉噪前路夕陽一片寺門邊不
識眞娘在何處

塞上曲

朔風吹雪滿刀鏃萬里從戎何日還誰念沙場征
戰苦將軍今又度陰山

長雲衰草雁行平砂磧征人向月明思婦不知秋
夜冷寒衣還未寄邊城

曼

殊順天宛平人檢討毛奇齡側室。按奇齡字大可以詩文名由廩生舉鴻博授

館職卽告歸曼殊本豐臺賣花張翁女名阿錢能以剪刻花鳥人物容貌娟好目有曼光歸大可更名曼殊始學爲詩年二十卒陳其年潘稼堂諸太史均賦詩弔之

病中吟

日色滿窗紅鴛鴦睡枕同披衣將欲起又怕隔簾

正始集

卷三

十四

紅香館

風

張汝傳江蘇華亭人訓導徐基室著有繡餘草

汝傳事母至孝嘗割股療疾不僅以文采見

題桃源圖

孤舟垂釣幾經旬此日尋幽渡碧津風動落英隨
舞蝶水黏飛絮聚遊鱗座中白髮衣冠古世外青
山歲月新一自武陵人去後桃花開盡不知春

徐珠淵

江蘇江都人侍讀施閏章側室。按閏章字愚山以詩名初由進士海遷江西

道參議康熙己未復舉鴻博特授侍講先是珠淵母欲嫁貴家女曰兒願得侍文人

爲東坡之朝雲足矣不願
富貴也愚山聞而納之

寄主人

雨滴梧桐秋不堪憶君誰共接清談
老天如識妾心苦北地風霜盡入南

林瑛佩

字懸黎福建莆田人通判雲銘女貢生
鄭邨室著有林大家集○懸黎年十四
父遭變下獄乃脫簪珥千緡謀贖父命匿
幼弟深山中身任家務親寄館棗懷利刃
衣袂間以死自誓父
卒免於難鄉里重之

早發

客舟爭早發軋軋細流前晨色蓬窓入山光遠水

正始集

卷三

五

紅香館

連樵歌含嶂霧漁夢宿江烟何處鐘聲落蒼茫翠
裏傳

吳喜珠

安徽歙縣人方如麟室○喜珠
早寡侍老姑撫稚子以節孝著

粵城懷古

仙人不跨五羊來碧海丹山次第開洗氏談兵名
將氣尉佗稱帝匹夫才功留銅柱存冤魄骨掩花
田轉劫灰此是炎方冠帶國書生曾請棄珠厓

月明夜夜聽潮雞豈有珊瑚樹可棲不嫁誰憐何
秦女成仙眞愧葛洪妻鱷移炎海驚濤靜蝶到羅

浮好夢迷只有包公賤巖石五丁前此葬端溪
趙家塊肉付厓門王氣憑他海氣吞誰念宮人皆
北去可憐丞相尙南奔江山豈許偏安藉珠貝堪
爲貨殖存莫檢新書添悵惘唾壺敲落玉釵痕

孫書芸

字伴香陝西三原人中書枝蔚姪女。
按枝蔚字豹人有才名年七十舉博學
鴻詞以老授中書伴香父早歿奉
母依豹人流寓揚州以貞孝稱

雪望

闌閣消磨春復秋韶華彈指去如流雪晴偶啟樓
窻望無數青山也白頭

正始集

卷三

七

紅香館

吳永和

字文璧江蘇元和人諸生董玉蒼室著
有茗窓拾稿。文璧爲莊淡菴宮詹甥
女愛之撫以爲女玉蒼累試不售鬱鬱成
疾臨卒謂文璧曰吾以三事累汝先大夫
墓碑未立前室吳氏未葬子幼未成立夫
歿二十年文璧皆次第了之潘稼堂太史
爲作傳

題山中舊居

舊宅空山裏蕭蕭白板扉路侵松葉暗徑長葯苗
肥曉鏡湖光入春衫花氣飛鄰姬逢穀雨時見採

茶歸

地僻耽岑寂閒居事事幽窻開雲作幔簾捲月爲

鈎撲澗山禽下瑋琮澗水流更饒憑眺興文件共
登樓

語夫子

他年偕隱卜幽居流水青山一草廬風外鳥啼移
晚竹雨中客至剪春蔬低窓茗椀隨棋局小榻爐
香讀道書安覺此心貧亦好眼前漂泊欲何如

虞姬

大王眞英雄姬亦奇女子借哉太史公不紀美人
死

正始集

卷三

七

紅香館

語女件

莫訝隨行步每遲難將愁緒訴心知比來欲識儂
懷抱試看芭蕉未展時

凌淨眞

廣東番禺人知縣滄洲女何某室。氏
不得於夫役同奴隸無怨言夫歿大歸
守志與妹潔眞合著
有凌氏節婦拾退草

楚貞姜

妾身非狎水水至妾魂驚棄約不如死死亦不媿
生君符久不至臺沒身淪傾守信向流水與水同
潔清男兒多詭隨何以貞吾行

馮婕妤

虎圈猛熊佚當檻妾非勇熊食妾身輕熊犯帝誠
重求免當時難那計後來寵詎知傳昭儀因此既
旋踵被誣強飲醜讒較熊獮悚

凌潔真

淨真妹諸生江拔儒
室以節孝 賜旌

巖子陵

先生一片心千載無人識咄咄呼狂奴君志非好
德徒念故人情未必能容直果欲相助理諫議非
吾職與君結交初早已窺胸臆不用乃引去何如

正始集

卷三

六

紅香館

早休息君子貴謀始後懼難爲力富春山水長高
風千古式

李

源

字星鍾湖南茶陵人陳
綺若室著有星鍾詩草

病

獨臥空房擁藥爐愁中病骨恐難蘇薜蘿門巷荒
秋草砧杵江城叫夜烏萬里夢回千嶂冷寸心愁
到一鐙孤欲成仙去隨雞犬不識能尋塞上無

綺若以事戍邊忽忽秋殘愴惻于懷賦此寫

憂

畫眉京兆謫蕭關策杖慈親鬢已斑知母藥攜愁
日短望夫石化恨猿頑黑雲殘角關前戍白草嚴
霜塞外山此後莫將螺黛染朝朝有淚洗紅顏

彭

氏

河南鄧州人布政使而述女舉人李鴻
室著有蝶龕集○氏集中佳句如詠白

蓮云月亦嬌花色風偏送葉香刺繡云針
宜停午倦窻喜趁新晴送外云山川日以
遠雨雪天將
寒流播藝林

華山

三峯翠律插青冥高處平捫井鬼星池上蓮花開
日月澗邊石鼓動雷霆藥籃何日逢毛女仙掌於

正始集

卷三

九

紅香館

今憶巨靈願駕鹿駟過霧市丹爐石榻檢遺經

雷家灣

峯峯斜倚俯清澗一葉孤舟亂後身洞口白雲雞
犬在此中大有避秦人

梁

頤

字秀中號袖石道人山東
安邱人貢生韓朋垣室

山村夜坐

俯仰空庭四字清浮雲掃盡晚烟輕梨花皓月原
同色風竹流泉不辨聲深谷人閒春亦寂短牆水
近冷先生却思城市喧闐處簫鼓樓頭聽二更

倪瑞璿

江蘇宿遷人進士徐起泰繼室

過淩城廟謁古戴二公忠義塚

并序

古諱達可戴諱國柱同以忠勇見知於可

法史公

時史公總督漕運巡撫淮揚

懷宗十四年流寇

袁時中寇睢古時駐宿邀戴往擊戰於淩

城廟眾寡不敵俱死焉史公隨遣使致祭

命於所瘞地刻石立忠義塚嗚呼二公真

烈丈夫哉丁酉秋余同母氏往過拜其墓

惜其事之未傳於史也因爲詩以俟輪軒

正始集

卷三

三

紅香館

之採

秋飈鳴高空亂峯下斜照老樹枝交天蒼黃覆古

廟入門捫殘碑太息拜遺貌憶昔明運衰羣盜起

聚嘯勦撫兩失策蠡蠹變虎豹所過無堅城蒼生

任淩暴二公真人豪忠貞出天造金鐵冶成冰

霜勵寒操賊鋒一朝來矢石躬親冒官小誓捐軀

力薄那自料慷慨互爭先從容共談笑燃炮擊賊

人天地爲震悼賊用魘魅法

用婦人拜炮反震

蟻聚蜂屯

到眾寡勢不當頭斷臂猶掉成仁併取義日月爭

光耀碧血灑平蕪賊馬不敢蹈至今曠野中白日
常見燒如何八十年薦紳少憑弔姓氏已稀傳父
老猶相告蘭臺事纂修幽微須闡耀誰為秉筆人
搜求不遺奧

四第懇余易其名字余取文王世子語為更

名曰克昕字徵子因詩以勗

人生重賢豪不在名字美難以易相方

唐進士黃居難為詩

慕白樂天故名居難字樂地

赤將白白自比

李赤自比李白

豈遂足追配

效顰空復爾四第性明慧翩翩致可喜世業下相

正始集

卷三

三

紅香館

城生來故家子先人早棄世淪落來居此家毀不
謀歸僑寓貧如洗晝菽復和丸提攜賴母氏就傅
勤誦讀弱冠終軍齒挺然才氣雄藉甚聲華起爾
字與爾名呼之有年矣忽然厭舊稱十呼懶一唯
向我索更之我特不敢諉文取世子篇義載大戴
禮宋郊變宋庠飲香從此始名字新改初譬若居
新徙努力事葺修棟梁庶不圯莫若江南橋踰淮
化為枳

王師問罪近江濱宰相中書醉未聞復社怨深謀
汲汲揚州表到血紛紛金墉舊險崇朝棄郿塢多
藏一炬焚賣國仍將身自賣姦雄兩字惜稱君

憶母

河廣難杭莫我過未知安否近如何暗中時滴思
親淚只恐思兒淚更多

冷玉娟

字姍姍山東萊陽人知縣未世
遠側室著有珂月集硯爐閣集

短歌行

并引

姊氏將嫁晨起俶裝悵鵲影之分飛歎鸞

正始集

卷三

三

紅香館

音之寡和繡窓風過誰同靜夜添香妝閣
塵生獨對濃春開鏡閒關一去邈邈雲山
迢遞相尋悽悽魂夢愴焉如割寫以短歌
從來臨別傷神况更同懷情切不須折柳
便已沾襟

勸姊酒爲姊歌姊心竟若何關河遠迢遞歲月易
蹉跎從今腸斷連枝樹清淚如流下逝波

顧姊影檢姊裝無語自悲涼解我雙鴛袖覆爾薄
羅裳蕭蕭車馬三秋道料峭風寒不可當

攬羅衣搵姊淚凝睇空相視骨肉有深情情深翻
覺累此心轉恨不成灰無憐無愛無顧領

贈姊言姊記取世事姊知否花露但崇朝月華難
耐久好將花月付流年一寸冰心永不朽

莊蕢蓀

字宜三江蘇陽湖人庶子同生女諸生
孫師儉室著有悟香閣草。按同生字
澹菴順治丁亥
進士以詩畫名

放園

曠野行人少亂山青未了閒雲度遠汀斜日帶飛
鳥苔徑落花深柴門流水繞此中無世情把卷忘

正始集

卷三

三

紅香館

昏曉

葉

粉江蘇崑山人
許心辰室

孤雁

一聲淒切度河梁不訴離羣也斷腸寂歷寒沙眠
鍛羽空明霜月照分行無心避患街蘆荻肯戀餘
生逐稻梁聞道邊庭尙征戍孤鳴幸勿到遼陽

徐鍾璧

字賓如江蘇婁縣人王
星遠室以節賜旌

憶姑

風雪連宵冷不支藥爐茶竈鎮相隨老姑可得猶

強飯相見無由苦夢思

田玉娥

浙江山陰
人童筠室

送外

錢塘相送遠過此是杭州月杵春鄉夢霜砧搗客
愁渡頭千樹老江上一帆秋無限臨歧意東西水
自流

張若瓊

陝西藍田人

春殘

簾外落花萬點枝頭啼鳥一聲午枕喚回春夢曉

正始集

卷三

詩

紅香館

欄引起詩情

國朝閨秀正始集卷四

完顏暉 珠珍浦輯 女孫伊蘭保校字

林以甯

字亞清浙江錢塘人諸生錢石臣室著有墨莊詩鈔鳳簫樓集○亞清能文章

工書善畫尤長墨竹與同里顧啟姬似柴季嫺靜儀馮又令嫺錢雲儀鳳綸張桂雲

吳毛安芳媿俱蕉園七子之社藝林傳為美談

憶父禹都

曉登百尺樓遙望中條山天際有白雲日夕自往
還去來何寥邈引領難追攀誰云生女好少長違
親顏豈不眷庭闈安能事閒關問寢久疎濶視膳
正始集 卷四 一 紅香館
良以艱回步循南陔躑躅淚汎瀾

畫竹

新竹出短籬亭亭如織翠明月升東軒竹影宛在
地銅硯磨松煤濡毫寫其意清幽固可嘉愛此堅
貞志

夢游桃花源

理棹石瀨口洞壑極深窅白日翳層壁倏然露林
杪初行不見人仄徑礙飛鳥忽逢林木盡水竹四
環繞茅屋三兩閒雞聲出林表主人聞客來攬衣

起相勞筍蕨爲我設秬梁供我飽白鶴翔天風游
魚戲清沼宛若素所歷揭來胡不早悵惘塵世事
朗徹愜懷抱高邱誰沉淪阿閣孰傾倒魏晉不復
知以下更何道歎息武陵人悠悠竟終老

哭柴季嫺

婆娑壁閒畫手澤猶芳鮮清夜發光芒睨視不敢
前想見落筆時氣足而神全非徒貌幽花自寫翠
袖翩每思棄塵務從君事丹鉛豈期不我顧倏忽
長相捐一慟雲爲愁梁月藏嬋娟

正始集

卷四

二

紅香館

獨夜吟

蕉心未展桐花老春社纔臨燕聲小屋角陰雲凍
天色雨脚斜侵砌草織暮寒壓夢夢不成耳邊哀
角嗚嗚幽房鬼逼蘭釭凝牀頭玉盞敲紅冰析
桂燒雲老不死夜烏啼殺曉烏起獨繭抽絲結繡
襦儂心未卜郎心似開簾蠟樹烟依微海燕賓鴻
相背飛孤吟起坐各無賴昨夜鄰家夫壻歸

渡伊洛合流

歷盡山川險方知行路難寒風鳴大谷怪石激流

湍歧路心常怯窮途淚未乾波光應笑我獨自上
河干

柴季嫺索詩賦答

春風吹暖杏花香試拂鸞箋寫斷腸每見遠山思
黛色時從落月想容光別來幾度梅如雪愁緒縈
懷鬢欲霜爲報故人休索句視田慙我已全荒

初春

百合名香手自焚雪晴天際尙停雲寒梅纔破東
風坼釀得春愁已十分

正始集

卷四

三

紅香館

柴貞儀

字如光浙江錢塘人舉人雲倩長女諸
生黃介眉室○如光工丹青圖繪寶鑑
稱其花卉妙
毛無不超妙

題烟江疊嶂圖

誰將素練染霜毫幻作空濛萬里濤一片孤帆何
處落千峰雨色暗江皋

柴靜儀

字季嫺浙江錢塘人貞儀妹諸生沈漢
嘉室著有凝香室詩鈔北堂詩鈔○李
嫺工寫竹梅嘗與閩友林亞清諸人結蕉
園吟社羣推爲女士祭酒子用濟以詩名
皆母
欸也

燕燕篇

燕燕何差池相顧戀儔侶春日方載陽呢喃如學
語結巢在君家本來獲安處銜泥而哺子雛成大
辛苦童子亦何知探穴敢予侮不惜口卒瘡傷哉
無牖戶幕上與梁間何者爲樂土

子用濟有遠行詩以貽之

吾子廉吏孫讀書昧生理三十未成名徒然還鄉
里外侮旋復來內憂方未已忽然遠行役披衣中
夜起明星光在天河流正瀾瀾行雲有返期遊子
靡所止攬涕下高堂長途從此始

正始集

卷四

四

紅香館

野雀從南來翩翩思擇木感此主人賢飛鳴集其
屋才高非獨優處卑願亦足矧有嘉樹林朝昏託
棲宿鷹鷂過莫窺爵羅無由觸哀彼黃鳥詩長謠
念邦族

與豕婦朱柔則

深閨白日靜熏香垂羅疇病起罷膏沐澹若明河
秋自汝入家門操作苦不休蘋藻旣鮮潔戶牖還
綢繆丈夫志四方錢刀非所求惜哉時未遇林下
聊優游相對理琴瑟逸響隨風流潛龍慎勿用牝

雞乃貽羞寄言閨中子柔順其無憂

觀牡丹有懷長子用濟

我昨開簾探春色牡丹半含朱欄側今晨花放如
朝霞紫蝶黃蜂閒不得坐愛花香香更清微拈綬
帶聊怡情孫持尊酒頻相勸婦解圍棋且對枰忽
憶金臺春欲晚潦倒風塵兒未返他鄉有酒亦有
花老親契濶同懷遠酒闌棋罷心轉傷嗔來風雨
天茫茫明年好逐東風返莫待花開憶北堂

長子用濟歸自都中詩以慰之

正始集

卷四

五

紅香館

君不見侯家夜夜朱筵開殘杯冷炙誰憐才長安
三上不得意蓬頭鬢面仍歸來嗚呼世情日千變
駕車食肉有人羨讀書彈琴聊自娛古來聖賢能
貧賤

馮又令命子中皞見過

賢子傳君意過門慰藉深長貧無樂歲多難有禪
心琴酒憐知己詩歌愧賞音他年能憶我相訪就
雲林

秋分日憶子用濟

遇節思吾子吟詩對夕曛燕將明日去秋向此時
分逆旅空彈鋏生涯只賣文歸帆宜早挂莫待雪
紛紛

懷子江右

彭蠡風濤怒不休日斜何處泊行舟朝來定有思
親淚流到錢塘古渡頭

錢鳳綸

字雲儀浙江錢塘人進士安侯女貢生黃式序室著有古香樓集○國初顧和知夫人名若璞以詩文名世雲儀爲其曾孫婦能嗣音和知嘗以揚子雲作二十五箴而不及女史遂作彤管箴以補之

正始集

卷四

六

紅香館

美人梳頭歌

新林一聲啼綠鳥三十六宮春欲曉牀上輓轡牽
素縷秋水溶溶鏡光冷漸看紅日捲珠簾雙鸞却
有眉纖纖玉鳳斜飛鞞金蟬珮環搖搖良湘烟下
階獨自摘芳蕊櫻桃笑儂不結子

哭伯兄

在昔黃天傾覆卵無完理兄不卽殉身感奮良有
以摩挲雙匕首一夕再三起千鈞重一發恐復憂
天只在萬歲月閒隱痛入骨髓未堪譬人胸抱疾

忽焉死尸牀目不暇不繼非人子尙有娥親在李

壽汝莫喜

顧長任

字重楣號霞笈仙姝浙江錢塘人籀雲女徵士林以畏室著有謝庭香詠梁案

吟○按以畏曾舉鴻博未試先卒重楣爲啟姬之姊亞清之嫂年十二卽能應聲作此惜早世未與蕉園詩社

梅花

小閣月初斜東風透碧紗枝頭應有信春意在梅

花

顧

姁字啟姬長任姝諸生鄂幼輿室著有靜御堂集○啟姬精音律所製詞曲有一

正始集

卷四

七

紅香館

輪月照一雙人面句爲王阮亭尙書所稱宋牧仲尙書最賞其花憐昨夜雨茶憶故山泉一聯今搜全集不得祇於畫冊中錄此

題林亞清畫

梅花竹葉互交加濡墨淋漓整復斜憶得昨宵明

月下橫拖疎影上窗紗

張

吳

字玉琴號檉雲浙江錢塘人舉人義壇女諸生胡大滌室著有趨庭詠琴樓合

稿○檉雲幼慧七歲學詩卽有白馬嘶風秋草寒殘風殘雪斷橋邊等句其從兄綱孫見之曰是妹必以詩名後與柴季嫻等倡和稱蕉園七子年僅二十五而卒

秋晚

極目危樓上天涯晚望中雲憑荒野濶日落大江
空露冷蛩初響風寒葉正紅興來無俗慮明月在
疎桐

觀潮

風急秋江晚潮聲落照前遠疑千練白高並一山
懸孝感曹娥志忠留伍相賢千秋遺恨在故令怒
濤傳

張 昂 字玉霄吳妹洪文蔚
室著有承啟堂吟稿

悼姊槎雲

正始集 卷四 八 紅香館

顛顛與心傷無言祇斷腸淚從今夜盡別是此番
長滄海渾難問泉臺不可將芳魂心杳杳何日更
同行

毛 媿 字安芳浙江錢塘人諸生先舒女徐艱
室著有靜好集。按先舒字稚黃以詩

名安芳幼承庭訓刻苦吟詩年老無子嘗
自持其詩卷日是我神明所鍾即我子也

雪

天涯一望茫茫白積玉堆瓊亘長陌興來何處子
猷船高臥誰家袁安宅山中千樹噪饑鴉自掃冰
鱗自煮茶不怪滿身寒起粟只愁壓折老梅花

西湖

十錦長塘十里開遙看春草綠于苔金鞍狹路爭
馳驟畫舫晴波自湖洄日映柳梢鶯百轉風吹花
氣蝶雙來西湖西子曾相喚擬酌芳魂酒一杯

馮

開字又令浙江錢塘人仲虞女諸生錢廷
枚室著有和鳴集湘靈集○又令讀書
過目成誦下筆文如夙構惜徧搜全
集未得僅於雕華集中得此姑錄之

和夫子九日擬登吳山因雨不果原韻

重九宜晴雨聲密相望窗前秋瑟瑟未過小園訪

黃花恐負花期被花責芳辰寂寂遣情難倦插茱

正始集

卷四

九

紅香帶

莫感百端身世浮萍空碌碌何如秦女蚤乘鸞憐

余夙懷林下志幼對溪山願差遂年來四壁聊可

棲悠然三徑有餘致瀟瀟風雨靜中聽竹影松枝

簾外青興到豈知塵內事煙雲閒潑墨無停

陳皖永

字倫光浙江海寧人副榜
楊慎言室著有素賞樓稿

夏日遊蓮池尼菴

寶刹安蓮座清幽闢境初蕭疎在花木恬淡到禽
魚聚遠層樓敞通幽曲徑紆朝暉照西榭彼岸一

舟虛

吳

字道嫻浙江嘉興人貢生
鄭聯室著有聽鶯樓詩稿

綠牡丹和韻

平臺冉冉黛初勻不逐鄰園鬪麗春
金谷荒涼成往事風前猶想墜樓人

癸丑秋陳妾舉一子時婿年四旬矣誌喜

窮薄還憑世澤存朝來弧矢喜懸門
翻嗟姑舅先晨露未得生前一弄孫

邵

字淡菴江蘇泰州人諸生黃杜若室

和夫子貸米詩

正始集卷四

十

紅香館

莫以貧為病吾儕本寂寥
餅壘雖久蓄意氣不全
消張子仍存舌陶公肯折腰
有鄰難貸米相對慰

清宵

蔣蓮姑

廣西全州人以貞孝賜旌
○蓮姑父母早卒弟甫四歲憐弟孤苦守貞不字

撫弟成立為娶妻胡氏而弟又卒復為立嗣以延宗祀胡氏亦守節終鄉里重之請
合祠節孝事
載一統志

焚香

乍寒乍暖早春天一剪香焚小几邊
為惜名花薰不得湘簾半卷任飛煙

陳

氏號無波居士湖北漢陽人龍岩女。無波幼字宋氏未婚而宋生卒矢志不嫁居父家別墅池上有小亭氏署曰無波因以為號

父病小愈

垂老嗟吾父年來只閉門苦心緣著作多病爲兒孫常著東山屐慵開北海尊所忻今強起扶杖過

花村

盛麗珠

字川媚江蘇長洲人鄭元蒼側室

江月

水輪湧出金波潔照耀乾坤光不竭笑指長江風

正始集

卷四

七

紅香館

浪平姒娥倒現波心月

陳發祥

字瑞岩湖南祁陽人○瑞岩工水墨畫

題畫山水

出筆源於老米重重疊疊家山泊舟一帶茆屋明

月隨水灣環

卞淑媛

漢軍人侍郎永譽女○按永譽字令之精鑒賞著式古堂書畫彙考六十卷淑媛薰習庭訓遂悟畫法工花卉人物張

瓜田徵士畫徵續錄以未得見爲恨

題畫

一曲溪流清且淺幾家籬落釣人居溪頭春柳青

青色攀得新條貫鯉魚

程瑜秀

安徽歙縣人知縣王介眉室著有自怡草

看菊有懷

幾日別知已看花又一年雖然隔幽谷長自念岑
川雲落天光靜山空鳥語圓何人如菊澹惆悵晚
風前

陳

珮

字懷玉安徽天長人諸生江昱室著有闈房集

秦郵舟中晚眺

曠宇忽然晦茫茫湖水昏遠拖涼雨脚時漏夕陽

正始集

卷四

七

紅香館

痕野艇爭收港荒城早閉門依窗凝望久鄉思黯
銷魂

哭程夫人

忽駕青鸞返碧虛瓊花吹折痛何如修文應是才
人盡徵到姮娥舊侍書

柏盟鷗

字映潭江蘇江都人著有映潭詩鈔○映潭工山水差似董北苑

秋夜

畫眉收鏡晚窗下理吟箋水漾星搖幕雲圍月暈
天暗蛩吟夜露老鶴夢秋烟尊酒誰家院嗚嗚奏

管絃

廖雪松

江西奉新人
以節賜旌

涼夜

絕
月皎池光浮風淒蛩語咽課兒坐危樓挑燈劇愁

王元禮

字禮持浙江仁和人松
壑女著有梅笑軒集

和柴季嫺白梅花

不知梅與雪望裏自嫣然眞色原難學高情豈受

憐臨流孤影瘦映月數枝妍憶爾橫斜處翩翩儼

正始集

卷四

三

紅香館

似仙

何志璇

字韞潔號琢齋江蘇華亭人諸生馮尙
賢聘室。韞潔甫三歲父以字馮尙賢

後父歿尙賢入邑庠卒女聞訃哀悴母以
議婚未聘別訂姻好于義爲正相助女不
可其兄志鰲日例未婚者弗旌沒無所名
女謂豈爲名耶恐違父命耳自此依母兄
者十年以待母疾勞瘁卒性絕慧喜填
詞如南歌子輓胡烈婦諸篇人爭傳誦

集草堂句

謝了荼蘼春事休暖風吹動繡簾鈎沉吟不語晴
窗畔兩點青山滿鏡愁

吳年

字古春號雪庭浙江歸安人同
知董啟挺室著有雪庭遺稿

賈生

漢文有道主賈生王佐才千載幸一遇惜不究所
懷年少倏超遷同列相詆排一斥不復收野鳥言
其災志大不易副名高世所猜勗建出非常往往
成禍胎不見東市上安劉鬲氏危

戴凌濤

字文姬江蘇江都人蔣塞
翁側室著有綠窗遺草

渡江

嬌姿生長在蘭房問渡江千上野航南北連雲眞
浩蕩水天一色盡蒼茫金山粉黛凝微點瓜步野
正始集 卷四 十四 紅香館

對月

碧漢迢遙夜氣清倚闌看月十分明何時飛入蟾
宮去長伴姮娥弄玉笙

沈佩桂

字初英江蘇上海人
著有秋綺軒吟草

題石田翁秋山飛瀑圖卷用東坡煙江疊嶂

圖韻

白波倒捲吞秋山雲氣倏挾山中烟烟雲繚繞不
可辨惟見一角浮蒼然澗層中東落晴雪千尺下

擲鳴流泉懸崖注竇悉奔赴瑇瑁側出爲平川三
椽老屋安川口如坐飛瀑之梁前松聲作龍半空
吼天矯拔起升青天石田老翁畫事絕遠勝枯槁
爲清妍上有烟封之古洞下有瑤草之閒田我欲
移家便躍入夢想靈境今幾年十洲三島意彷彿
豈眞仙苑爭聯娟林屋洞天可逕到不煩縮地壺
中眼睛窗清絕思决起凌霞抱氣追眞仙一邱一
壑性所得此生不結塵閒緣卷圖投筆風雨至他
時定有招我桃源篇

正始集

卷四

十五

紅香館

題觀海圖

鯨波萬里接滄洲東極冥冥碧漲流海色一杯胸
際合神光三島望中收潮來地轉魚龍動浪蹴天
低日月浮準擬排雲凌八表披圖蜃市散高秋

應學韞

字珏樓浙江仁和人著有自娛草

蟲語

三徑蕭條碧草生秋來添得碎蟲鳴淒淒切切渾
如訴說盡人閒冷暖情

錢紉蕙

字秋芳號清蔭居士江蘇吳縣人編修中諸女知縣許廷鏞室著有清蔭閣集

○按延鑠字子遜以詩名
女孟昭孫女楚畹俱能詩

度梨關

迢遞踰梨嶺肩輿勝兩驂雄關限閩越幽境極東
南地暖常多雨雲開忽作嵐鄉園何處是聊復上

巖龕

劉雲瓊 山西臨縣人舉人趙昌
之室著有水雲居集

古別離

牽衣惜郎別郎上雕鞍去試問將何之東流汾水
處

正始集

卷四

六

紅香館

陳廣遜

字靜齋廣東順德人教諭次文女
諸生何勤良室著有靜齋小稿

黃節婦歌 并序

節婦適倫教村周某周觸法遣黔婦與俱
育三女一男周死負骸攜兒歸里行乞養
姑有司旌其孝義予聞而作歌

鳳山之北倫溪水奔流清徹無可比曾經柱石產

名流

謂梁侍
御元柱

邇來更出奇女子嫁郎年少共糟糠

承歡菽水侍高堂外事操舟內紡績兩年比翼作

鴛鴦運乖倏作囚徒偶夫遣窮荒妻疾首偕行忍

辱志彌堅薜華竟擬寒梅瘦去矣棲棲大道傍三
千里外飽風霜施秉縣中並操作艱難萬狀摧中
腸三女一男幸產育呱呱忍見投懷哭三旬九食
冷炊烟可憐藜藿充枵腹忽傷逝水去滔滔孤鸞
落日求其曹仰天一慟城隅崩千山草木皆呼號
蒼黃營殯已踰月力護孤兒志何決平生惟有一
冰心獨向黔中鬪寒雪夢歸翻憶白頭人廿年缺
養長酸辛南還上訴幸得請邑宰亦念遐方民檢

束殘骸自茲始鄉國茫茫何處是數口嗁從驛路

正始集

卷四

七

江季館

中一肩挑向寒山裏

婦歸時擔圓簪二一置夫骸與次女一置子與幼女

穹

蒼上格見精誠四山無雲天宇清關河不隔歸飛

翼舊巢空盡餘柴荆入門姑在翁先沒眼中祇有

斑斑血遺孤雖得故園歸阿郎已作重泉別子身

養老及全孤乞食比鄰終不輟吾聞共姜貞且賢

作詩上列三百篇又聞王凝之妻有奇節不受織

污臂堪折自古貞風何代無所貴蛾眉表丈夫今

之黃氏繼賢姪十九年中備孤苦嗚呼安得千仞

石壁置我前勒君奇節留千古

孫淡霞 江蘇華亭人諸生曹策彞室以節孝 賜旌著有焚餘草

秋夜

深閨無意緒涼夜起新愁一榻空如月千聲并作
秋金風吹樹杪玉露滴階頭坐對蘭釭久茫茫百
感投

李氏 江西南昌人諸生姜愉室

題畫扇

白石參差屋數閒抱琴相訪碧雲閒孤松忽接澄

江影一抹斜暉雁不還

正始集 卷四

六 紅香館

孔繼坤 字芳洲浙江桐鄉人知縣高士敦室著有聽竹樓偶吟

送外北上

珍重復珍重別緒何茫茫臨風理素篋遊子整行
裝八繭乏吳綿五紵愧羔羊春風吹客衣雨雪霏
道旁出門幾回首一顧一徬徨男兒多意氣安用
戀故鄉黽勉事行役弗縈兒女腸何以解我憂詩
酒恣徜徉何以慰我心德音頻寄將白頭有老母
黃口多兒郎君職我當代我言君莫忘窮冬氣蕭
索萬象寒無光無三春時燦燦桃李芳願君知

此意奮志期飛揚不見黃鵠舉千里任翱翔

韓韞玉

江蘇長洲人尚書謚文懿英女知縣顧涓熊室著有寸草軒詩。按文懿公字慕廬康熙癸丑狀元有文名韞玉少承家學博極羣書病及前取稿盡焚之日非婦人事也嗣顧君檢書帙中得此十餘首錄之

詠鶴

丹頂元裳白羽輕芝田舊日得仙名
生來雲水原天性望裏蓬壺是去程
代遠每過千歲壽露寒常向九臯鳴
不隨衛國乘軒隊隱臥松巔夢太清

病中

正始集

卷四

九

紅香館

月落霜寒葉滿墀臥疴正及晚秋時
風簷網結長垂幌硯匣塵封久廢詩
瘦影怕從明鏡見淚痕空有枕函知
何因乞得青囊術擬向南華叩靜師

湯淑英

字晚生江蘇長洲人吳翮室。晚生善弈

閨意

畫帷屏繞鵲香溫側側輕寒畫掩門
燕子不來春又暮滿庭紅雨落黃昏

楊

字倩玉浙江錢塘人沈適聲側室著有遠山集

古別曲

送子玉關行山海幾迢忽長途馬蹄穿遠行車輪
折塞上天氣寒北風何凜冽層冰高嗟峨荒林積
霜雪一望無人烟肝腸爲斷絕邊塞隔中州骨月
渺天末人生能幾何歲歲苦離別

夜坐

獨坐不知久樓高夜氣清銀河垂曠野珠斗下層
城花月春前病雲山夢裏程歸心正無賴一雁又
南征

王

字秋士號蘭烟江蘇長洲人薛
孝穆繼室著有綠水倡酬集

正始集

卷四

三

紅香館

人日卽事

預訂芳辰罷掩關依君展齒過西灣亦趨水閣看
新築竝入山堂認舊顏綴樹無花徵婦嬾貼屏有
勝學兒頑道衡詩思尊前發欲效顰時未許閒

孟思光

字仲齊浙江會稽
人教諭稱舜女弟

弔鸚鵡塚詩

并序

張玉孃者松陽人文章博雅詩詞得風人
旨時以班大家比之自號一貞居士侍兒

二曰霜娥紫娥皆有才色善筆校所畜鸚

鷓亦辯慧能知人意因號閨秀三清年及
笄字沈生佗佗旋卒父母將另卜佳婿玉
孃聞之曰妾所未亡者爲有二親耳守志
至二十八歲夢沈郎迎之而歿父母哀其
志請於沈氏合窆於附郭之楓林侍兒皆
哭之慟霜娥以憂死紫娥曰兒忍獨生乎
義當以殉主也遂自經詰旦鸚鵡亦悲鳴
而降鄉人異之咸以殉葬名其塚曰鸚鵡

順治初余兄任松陽校官數過其地遺址

正始集

卷四

三

紅香館

漸湮因爲之封樹立碑又訪得張大家蘭
雪集囑余重校付梓相傳元時有攜其山
之高月出小詞至京師爲詩人虞伯生歐
陽元所嘆服後乃有以松山葉根長事污
蠟之者吁玉孃貞女亦才女從一而終此
事有無何俟復辨或者依草附木埜鬼興
妖亦未可知要以松地靈秀不鍾於男而
鍾於女乃有一女子而輕自污蠟亦知其
俗之匪古已因爲長歌以弔之

千年恨骨葬秋山一片楓林葉染丹豈是霜花夜
凝紫相思淚血成斑斑一貞貞潔心如玉幽居長
向蘭房哭絲絲繡作沈郎容生不相從死相逐山
高月小何皎皎我有所思在遠道所思不見將何
如玉容一日秋風槁聞道沈郎不勝衣夢裡依稀
覺也非却恨朱顏不相見可憐白首空相期翠頰
雙鬢共生死綠衣好鳥重悲啼墳前樹栖比翼鳥
窗前花長並頭枝碧窗人杏花無主好把鴛鴦比
鸚鵡鸚鵡塚前日色黃鴛鴦塚前日色暮茫茫宿
草起荒烟三生石畔斜陽路淒涼落照滿楓林今
古傷心在此處

詹文蕊

江西安義人

題張貞女辭

嗜茶如甘擇節取苦嗟嗟幽貞誰與女伍

正始集

卷四

三

紅香館

國朝閩秀正始集卷五

完顏暉 珠珍浦輯 女孫金粟保校字

蔡

琬字季玉漢軍人綏遠將軍毓榮女尚書諡文良高其俸室 誥封一品夫人著

有蘊真軒詩草○按文良公字章之康熙甲戌進士有才名尤精地理以相度

秦陵功

封一等男夫人才識過人魚軒所至幾半天下文良名重一時奏疏移檄每與夫人

商定閨閣中具經濟之才者隨園詩話載文良公與某不合屢為所撼公咏白燕第五句云有色何曾相假借沈思未對夫人至代握筆云不羣仍恐太分明蓋規之也

冬夜

耿耿蘭釭暗沉沉夜氣清夢回殘漏永月在半窗

正始集 卷五

一 紅香館

明鄉思兼愁思砧聲復雁聲故園歸路杳何日慰

離情

關鎖嶺

山從絕域勢遙分天限西南自昔聞烽靜戍樓孤

上屋風喧古木鶴驚羣橫盤石磴危通馬深鎖雄

關冷護雲叱馭昇平猶覺險揮戈誰憶舊將軍

九峯寺有感家大人

蘿壁松門一徑深題名猶記舊鋪金苔生塵鼎無

香火經蝕僧厨有蠹蟬赤手屠鯨千載事白頭歸

佛一生成心征南部曲今誰是剩有枯禪守故林

江西坡

西嶺千重簇劒鉞曾麾萬騎驀羊腸鬼燈明滅團
青血野塚荒涼嘯白楊夢斷層霄空漠漠事隨流
水去茫茫只今剩有殘兵卒指點空山說戰場

辰龍關

一徑登危獨惘然重關寂寂鎖寒烟遺民老剩頭
閒雪戰地秋閒郭外田間道萬人隨匹馬曾經六
月墮飛鴛殘碑灑盡諸軍淚苔蝕塵封四十年

正始集

卷五

二

紅香館

重過燕子磯

又繫蘭橈駐水濱小亭重上獨逡巡恰看白下還
斜照賸對青山似故人幾杵疎鐘江寺晚半籬寒
艷菊花新憑欄更誦登臨句望裏山川尙有神

江雨晚晴

晚烟漠漠破餘暉紅葉紛紛下翠微幾點斷雲將
雨去一行寒雁貼江飛霜明半落新愁鬢風勁先
侵遠客衣翻羨田家無個事小舟閒泊釣魚磯

秋原踏月

露冷烟消碧落空
遠山如黛月如弓
蛩吟緩緩堤邊路
蟬韻微微樹杪風
幾點雪花天際白
一痕螢火草閒紅
中郎不起吾誰與
莫問良材爨下桐

袁淑秀

貴州安順人諸生全洪圖聘室以節賜旌○淑秀年十六未嫁而全生死計至卽賦此詩吞聘時金

環以殉事載一統志

絕命詞

爲守金鏤約還傷玉鏡情無慚鏤與鏡祇覺此身

輕

曾如蘭

浙江仁和人林邦基室以節賜旌○邦基病將死招之相從曾氏誓之曰有

正始集

卷五

三

紅香館

如皎日邦基歿氏欲以身殉家人阻之不得告於官曉之曰舅在且老不當代夫供子職乎曾乃止立兒子光節爲後逾三年舅歿旣葬曰吾今可踐言矣賦此詩不食而死事載一統志

臨終

鏡裏菱花冷三年淚未乾
已終姑舅老復咽雪霜
寒我自歸家去人休作烈看
西陵松柏下夫子共

盤桓

龍錢潔

字瑜素雲南土司人陳鐵肩室著有青螺稿○瑜素本錢氏女幼繼養於土司

龍氏處邊徼而耽風雅亦女流中之翹楚

贈蘭姑新妝

春色盈盈立畫樓不修宮樣已風流況兼雙翠雲
肩上學得新梳燕尾頭

陳

穀 江蘇南漚人巡道程兆麟室著有寓書樓遺稿○太傅錢文端公陳羣氏姊子

也未貴時極被賞識謂他日必以文章名既貴乃刊寓書樓稿親為製序行世姊書號南樓老人即文端母以書名用筆類白陽而迺逸過之

阮步兵詠懷

落日啟虛牖微風激松林天清白雲遠獨坐彈瑤

琴仰視孤鴻飛俯視幽泉深炎光既徂謝凋落方

正始集

卷五

四

紅香館

自今松柏有本性梧竹弄清音守正養太和穆然
寫我心

潤州

落木風高氣欲秋鳴鳴吹角古城頭荒烟夜拂藏

春塢殘月虛涵望海樓百戰餘威存古壘六朝遺

恨咽寒流當杯惟有二三山色吞吐雲霞萬古留

闔閭墓

玉帛爭雄志未酬一聲鐘梵夕陽秋鐵花半落春

猶艷凋鶴孤飛水不流虎穴終看埋霸業魚腸應

自悔深謀黃金神木黃絲布長使空山王氣收

董

氏

山東平原人尙書訥女孫
巡道思疑女諸生鄭樞室

題水墨牡丹

魏紫姚黃錦樣般春風一夜玉樓寒何如尺幅藤
溪上富貴常從淡處看

盛

氏

安徽桐城人貢生潘天成室○按天成
字鐵廬以孝行著嘗從方有懷梅定九
湯嘿齋講經濟之學氏擇配逾笄泊于歸
鐵廬年已三十八矣相從論文甘貧靜好
鄉里稱之

贈別

并序

正始集

卷五

五

紅香館

辛未之年時維八月江風清勁鴻翎萬里
之天山月明瑩桂吐三秋之景余夫子埽
墓瀨陽報親恩於罔極論文吳會索知己
於名流此真孝子之深情才人之壯志特
以胸羅萬卷囊之一錢氣欲凌雲家徒立
壁旣無以生交遊之寵又不能忘內顧之
憂故欲行且止將往又留然而徒步擔簷
纔是通儒之行短衣提瓮始成賢媛之名
君誠有鮑宣之高風妾亦居少君之清操

銷魂黯黯豈敢爲兒女之悲贈別諄諄乃
以助丈夫之氣爰疏短引聊當驪歌雖不
必如寶滔妻織錦之辭實欲效樂羊婦斷
機之意云爾

十載蛟臺慣苦辛爲無柔骨俗生瞋濟人金散翻
招怨經世書多轉受貧志欲冲霄成勁翮才能破
浪惜修鱗丈夫知己應非偶切勿輕干顯要津

夫子到家

俄報征鞍到草堂迎君攜手淚沾裳仁歸顏忽相

正始集

卷五

六

紅香館

驚老久客鬚疑較昔長此日聚談如夢寐十年蕭
瑟嘆炎涼飲餘兒女歡如許莫看糟糠兩鬢霜

月夜同兒女坐話

江上霜鴻叫二更窻前兒女話平生月明簾命奚
童捲鐺沸茶看小婢烹髮爲愁貧容易白詩因懷
遠忽然成閨中不省都門路昨夜何緣夢到京

陳結璘

字寶月號修蘭江蘇常熟人舉人瞿
元錫室著有峻喜堂集藕花莊集

田家秋興

秋日郊墟喜漸涼稻花阡陌散晴香爭梨鳥雀喧

斜日踏藕兒童鬧晚塘老樹傍門常掃葉好山當
戶故低牆悠然獨坐南牕下早挂清芬白苧裳

汪

是字貞菴安徽歙縣人訓導
吳之騄側室著有餘香草

留別

女死復有女兒死復有兒泉下我所愛膝下君所
知嫁女如未嫁歸寧常及時兒年未一歲少可奉
君嬉願君語新人成立須提攜金釵與繡襦是妾
所留貽鉛華非我御褰布遂我私慎勿作無鹽濃
妝委塗泥千秋倘同穴薄葬豈不宜君心已無餘
正始集卷五七

紅香館

安得長相思但憐妾病苦日夜向君啼

趙

慈字雪庭山東益都人贊善執信女朱崇
善室。按執信字秋谷康熙己未進士
有才名與王阮亭論詩不合曾著談龍錄
聲調譜以救其失雪庭親承指授著有詩
學源流攷一卷夫家中落衣食
不給雪庭安貧宴如鄉里重之

雪曉

紙牕深掩葦簾垂幽閣沉沉夢醒遲衣褶作稜起
方覺簷均盈尺問初知紛披高勢留松頂撲簸寒
聲墮竹枝一自歐蘇誇白戰謝家柳絮未爲詩

夜深

夜深庭院寂無聲
花底微聞蟋蟀鳴
側臥繩牀清
夢覺風吹竹影上
簾旌

葉宏綱

字書城號曉菴江蘇崑山人諸生闕宗寬室以節賜旌著有繡餘草○妹蘭

谷字又芬亦工詩著有香祖草

秋暮書感

集唐

輕風滴瀝動簾鉤
暗覺年光似水流
去日漸多來日少
他生未卜此生休
風波自且還將暮
草木從春又到秋
欲問蒼天更遠寂
寥燈下不勝愁

身似流星跡似蓬
飲冰食蘗志無功
微波有恨歸

正始集

卷五

八

紅香館

滄海世事如花落
曉風千里雲山何
處好一川秋草思
難窮勸君莫漫誇
頭角得喪悲歡總
是空

張學雅

字古什山西太原人貢生張佚長女著有繡餘遺草○按佚字拱端有七女皆工詩古什生不茹葷愛持黃庭經準提咒字金壇子氏未嫁而卒

閨中閒咏

竹院蕭蕭人語空
夜來風雨太匆匆
侵晨獨倚闌干角
閒數池蓮幾朵紅

張學典

字古政號羽仙佚四女諸生楊易亭室著有花樵集倡和吟○羽仙十歲爲採蓮賦兼工繪事與妹凌仙孿生尤相愛凌

仙中歲而寡貧不能自存嘗分宅居之教

二子繼先編
武皆成名

寄書

欲把音書寄躊躇
向筆端恐添離別恨
難使旅懷寬
蘇蕙機中字秦嘉鏡裏鸞
迢迢憑一紙何以慰
加餐

同諸妹玩月聯句

雲收寥廓碧天長
學典共借清輝步曲廊
砌下色凝

珠貝冷
五妹學象簾前光映水晶涼
吟同謝女爭聯句

六妹望極姮娥不舉觴
遙憶廣寒宮殿裏
七妹學賢羽

正始集卷五

九

紅香館

衣仙曲正悠揚
學典

感亡姊舊居

繡網蛛絲鏡滿塵
閒花狼籍不知春
深愁怕見梁

閒燕猶是呢喃覓主人

張學象
字古圖號凌仙伏五女諸生沈載公室
著有硯隱集。凌仙以苦節著家貧依

姊羽仙爲生計日手經史自課其子家
益落乃爲閨塾師白髮絳紗稱世女宗

歲暮感懷
并序

山齋晨起愁雲塞
望庖突無烟葛屨練
裊

猶作禦寒之服
湘蘭杞菊難供卒歲之爨

嗟乎穉紹幼孤長卿早喪厚祿故人音書
斷絕恆饑稚子意色淒涼昔之車笠申盟
麥舟相助復何人哉聊咏短章用抒悲憤
緝柳編蒲志苦辛半生多難已忘身橘林乏實供
饋粥突舍無烟薦藻蘋空羨田真兄弟樂堪憐任
昉子孫貧一函遺草誰爲達檢得徒令淚滿巾

雜咏

明鏡如滿月朝朝弄妝靚一自棄塵埃不照孤鸞
影

正始集

卷五

十

紅香館

夙昔愛琴鳴流泉指下生子期今已沒誰聽斷腸
聲

劉

氏字何滅安徽潁上人同知劉佐臨第
五女貢生元敬存室著有鏡閣詩集

詠懷

春至花復繁揚芳仍舊樹悲哉既逝者寧復還故
處仙人王子喬謝世猶早寤富貴本難圖況當如
朝露

田家行

生事紛萬端亦惟食與衣蓼蟲在堇辛習苦不知

非好樂豈一致至理不相違田野有村夫蚩蚩轉
忘機言笑發天真對人無矜持寵辱不關心麗靡
豈所希但願桑麻長不至長渴饑驅犢披星去荷
鋤乘月歸機上有蠶絲園中餘薜薇公田稅既完
無復更驅馳

吳學素

字位貞江蘇婁江人編修顧偉權室著有蔭綠閣草○位貞詩才敏捷相傳徐澹園尙書雅集東山以此命題限溪西雞齊啼韻中用一二三四五六七八九十百千萬兩丈尺半雙等十八字一時名宿均多棘手願太史以語位貞伸紙書此藝林

誦傳

正始集

卷五

二

紅香館

閨怨

百尺樓頭花一溪七香車斷五陵西六橋遙望三
湘水八載空驚半夜雞風急九秋雙燕去雲開四
面萬山齊子規不解愁千丈十二時中兩兩啼

曹鑑冰

字月娥號葦堅江蘇金山人諸生張曰瑚室著有清閨吟○葦堅爲女史吳朮女孫家貧甚夫婦偕隱葦堅以授經爲女師書畫精妙造請者咸稱葦堅先生

蓮花

紅藕花開夏日長薰風吹動一湖香可憐君子無
人識却把芳容比六郎

張

靜字秋山江蘇婁縣人諸生莊肇龍室著有清閨集○秋山與嫂氏曹葦堅學牋對讀宛然攻苦士病劇作別書詩有那知終不如蟬蠹死後身猶在簡編句其嗜學可知

蟻垤

信
柯下起高封仰視若干仞與之說泰山舌弊終不

蜣丸

喜
一丸能幾何推轉常不已易之明月珠爾心終不

正始集

卷五

三

紅香館

對酌酬外

綠釀新開菊正黃君須尋醉酌秋光人生無病無
愁日得意花前能幾場

顏

氏號恤緯老人山東曲阜人郎中光敏女孔興焯室以節孝賜旌著有晚香堂集○按光敏字修來康熙丁未進士以詩名

病中不寐

曙雁成行過羣雞遠近鳴一燈明復滅雙杵斷還
清眼倦花初合肌寒粟欲生擁衾難假寐殘漏咽

荒城

贈別藉蘭主人歸濟南

并序

孔麗貞字蘊光博士宏輿公女太僕卿戴
公兒婦也精詩書翰墨結襦甫一載夫旋
死未幾其同產兄亦死博士公無子復迎
蘊光歸居里第其兄先聘李氏未成婚矢
志不他適蘊光與同事博士翁媪無間言
時有兩家奇節萃於一門之稱迨博士翁
媪謝世喪葬如禮乞於大宗爲立嗣焉蘊
光復以在魯無所依返之夫家還灤水上

正始集

卷五

十三

紅香館

瀕行矣遣老婢來贈余書篋一藉蘭閣詩
刻全冊用爲留別且索余作詩余自夫子
亡後四十餘年茹荼集蓼與蘊光同其懷
楚而蘊光之天親骨肉凋零欲盡則視余
爲更烈晚牕脫稿遂成悲風怨雨之音素
紙寄將誰和別鵲離鸞之調當世不乏名
媛睇觀此詩庶知余兩人苦衷云爾

蓬轉信無定人閒多別離
曰歸愁短髮分手易前
期閨閣神仙品綺羅冰雪姿
長成惟嗜學生小自

吟詩黃鵠歌何速青鸞舞已遲既傷慈母背旋痛
阿爺隨黽勉營喪葬倉皇誓墓碑一門同作鬼兩
世竟無兒婦烈箕裘重女孀繼述奇剪刀收破碎
書篋理殘遺返魯尋田宅辭齊閣歲時蕭條君與
我邂逅友兼師就正疑難字還傾深淺卮曉葵和
露折香糯共烟炊事往常中變途窮每遇歧駕車
辭里閑秣馬向天涯洗黛換行色賣琴充路貲昨
朝詢媪婢來日賦驅馳留贈團圞扇重題絕妙詞
庭篁存密節河柳挂長絲看劒孤懷迥牽衣獨淚

正始集

卷五

六

紅香館

垂他鄉應健飯故國總相思未卜鷓鴣穩難逃斥
鷃嗶遙知明月夜新有夢參差

孔麗貞

字蘊光山東曲阜人博士毓珽女戴文謙室以節賜旌著有藉蘭閣草

暮春懷劉氏表姊

閒庭梧影靜曲徑落花鋪地僻微風響天空片月
孤新詩懷舊侶短楮寄長途不識清宵立猶思小
閣無

浦映綠

字湘青江蘇無錫人諸生黃永室
○湘青工倚聲得白石玉田神韻

北望寄外

聞道嚴寒向北賒馬啼晴雪壓黃沙懷人正在春
三月莫認楊花作雪花

祝瓊湘

字靈芝廣東番禺人諸生
黃大璉室著有靈芝草

素心蘭

珠簾捲秋月花影自微茫靜籟坐終夜清心聞妙
香靈光涵一片芳氣播三湘久矣朱絃內泠泠托

鳳皇

吳

字文裳浙江嘉善人遠庵女
舉人錢弑室著有菽雪集

孤山

正始集

卷五

五

紅香館

處士逃名處孤山對故宮梅妻猶抱節不肯嫁春
風

李文慧

字亦士一字端之河南永城人舉人喬
大元室著有畹思小寄吟○亦士工琴
尤好讀史嘗手評陳
壽三國志具有卓識

夜泊曲江不寐鼓琴

舟泊曲江口孤嶼澹欲失遙岸漁火明烟中棹歌
息當此萬籟靜心境兩幽寂焚香拭焦尾調軫橫
陳膝琳琅太古音旨趣復誰識欲寫我心期聊以
寄所適一彈江水清再鼓秋月白月白與風清驚

起魚龍出曲終獨徘徊蓬窻風露溼

卽景

晝長簾仁卷飛絮滿妝樓燕壘紅輕綴鶯梭綠半
浮烟雲千里夢風雨一春愁獨倚闌干曲時時憶
舊遊

龐蕙纒

字初芳號小畹江蘇吳江人諸生吳鏘
室著有吐香閣集○小畹能爲時藝尤

工大楷有青蓮女伎持扇乞書小畹調桂
枝香一闕贈之有浪萍飛絮前生果別是
傷心一小青句青蓮撫
然自失遂立意脫籍

瑣窗雜事

正始集

卷五

十六

紅香館

夫婿長貧老歲華生憎名字滿天涯席門却有閒
車馬自拔金釵付酒家

湯

朝字蕉雲號樵楹又號華嚴女子江蘇金
壇人諸生沈子慕室著有蕉雲詩集笙
磬同音集○蕉雲夫婦避地義興所居一
畝之宮流水環繞隙地皆植梅菊倡酬相
得卒葬黃龍山子慕
爲築埋詩亭於墓側

秋夜病坐

素壁留螢影虛窻嘆枯寂形銷血未凝沉痛千鈞
骨憂煎祇自知苦淚暗中滴魚目凜秋水鶴夢驚
秋夕生乎何所依死矣其誰惜強坐客衣單假寐

涼生席山鬼冷噓風屋梁空墮月

蠶婦辭

戴勝低飛柳綿少蠶起蠶眠添懊惱隴無柘樹園
無桑買桑典盡衣與裳鄰家索繅絲響餓蠶飲
老頭空仰蠶老苦無絲纏身妾老苦無腸化筋

簷冰

寒烏弄晴北風烈鴛鴦瓦上消殘雪寸心凝結迥
絕塵敲作玉釵貽麗人麗人曉起妝臺倚孤光照
耀菱花裏願簪雲髻永承恩誰知入手翻成水

正始集卷五

七

紅香第

荆

月字娟娟江蘇金壇人

初秋

白蘋紅蓼滿芳塘殘暑猶蒸尚未涼最愛晚來清
絕處一泓秋水浴鴛鴦

金玉元

字載振號含英直隸河間人大中女舉人查爲仁室著有芸書閣賸稿○按爲

仁字心穀康熙辛卯解元以詩名含英甫笄心穀以事陷獄越九年邀釋始成嘉禮房中倡和僅

一載而卒

夜話和外韻

人生大抵遊仙枕已出邯鄲君莫疑世事浮雲無

定著流光劫火漫尋思試香午院宜煎茗鬪墨晴
窻好賦詩終臥牛衣吾不悔只憑清課愜心期

彭貞

字冰淑號筠仙又號橫江女史江西崇義人蔡世浩室著有翠筠山房詩鈔○冰淑早寡無子以苦節稱

廢塚

昂藏誰家子葬此山之麓衣冠已如烟枯骨尙盈
簾荒草綠年年凄風號空谷清明暮雨復蕭蕭白
楊花裏鶉聲哭

吳

字黃絹福建莆田人威畧將軍英女欽牧室○按英幼爲海賊所掠投誠後以

正始集

卷五

六

紅香館

功累遷至水師提督賜作萬人敵額加號威畧將軍性喜吟咏無子黃絹其愛女也親課讀詩

過鶯脰湖

風光淡淡晚涼天遙望漁家夕照邊
傍岸綠陰藏釣艇一竿秋水半湖烟

胡秀温

湖北荊門州人副將振翼女張毓參室以節賜旌著有筠心閣詩○秀温婚期已定而張病卒訃至乞往弔遂不歸撫嗣孤四十年

聽伯氏蒼頭話從軍故事

春令讀罷常棣篇廢書與僕談當年蒼頭舊侍將

軍帳細說仗節籌遠邊初出居庸關外路氍毹比
櫛如市廛居人稠密不知苦晨炊夜息皆安便歸
化西去六千里大漠一望無人烟終朝罕見禾麥
影經歲不聞雀與蟬塞馬黃羊遍地走豺狼虎豹
相摩肩行李稍孤單此物恣摧殘黃雲慘淡白日
寒極目傷心良可嘆更值北風動地起白草畢偃
沙漫漫驅車車欲折策馬馬不前每懷靡及轉却
走進退一任風盤旋及渡瀚海三百里沙深數尺
車陷軌遙遙累日絕泉脉馬馱草囊囊載水偶思
正始集

卷五

九

紅香館

解渴得一瓢安敢縱情厭泥滓牛羊活剝並血吞
饑來亦覺甘且美却憐食飲異中華心脾失調半
不起斯時阿奴疴亦沉猶幸將軍健無比軍中芻
糗如崇墉麾下貔貅皆死士佇看澤旺授首歸圖
畫麒麟勒青史無何中夜將星落大樹飄零長已
矣痛哭一聲三軍齊陣雲無色戰鼓死魂兮迢迢
萬里歸地老天荒恨靡已我漫聽之悲重來手足
情切肝腸摧一身許國四十載久知公望和鹽梅
無端小醜梗

聖化受命誓欲殲渠魁吁嗟乎勳名未竟山先頽
武鄉盡瘁同悲哀

徐紛吾

江蘇婁縣人
布衣袁時室

春詞

戲集曲
牌名

鷓鴣山溪刮地風雨中花落小桃紅淡黃柳底雙
飛燕似訴園林好景空

葉

氏

浙江錢塘人宛西女諸生趙
贊元室著有友琴軒詩集

蘇隄行

西陵渡口騎驎油壁香車多麗人橋灣柳綠酒

正始集

卷五

三

紅香館

帝颺王孫恣意嬉青春昔時蘇公築隄好今日長
隄徧芳草花落花開能幾時山色湖光終浩浩君
不見女牆石礎苔痕沒千年華表颺颺穴賈家秋
壑岳家墳滄桑閱盡三更月

楊雪娥

四川章
明人

雪

乾坤一夕地同天白日無端影倒懸人愛落花誇
六出我憎飛絮又三年銀裝裊裊飛檐外玉屑霏
霏繞座前酌酒深閨無別祝先爲

聖德兆豐年

方

可字青君安徽黟縣人
著有白沙翠竹集

松徑

長松一徑交幽陰互挈攬靜聽松風吹響疑松子
落人跡且不到炎氛何處着

老柳

年深復蝨損偃臥此沙汀條短曾工舞綿稀亦化
萍隄邊桃灼灼江上草青青顛顛休相笑終能應
列星

正始集卷五

三

紅香館

瑟居

懶慢心情稱瑟居日高鶯囀夢回初起來盥漱無
餘事閒對梅花讀道書

張

瑛江蘇泰州人良御妹

中秋

旱澇何堪兩事并縱當好節亦愁生花經暴雨如
相妒月避寒家不肯明肴核自成荒歲景酒漿猶
費老人情莫言此夕無佳宴尙有饑民乏菜羹

盧御鎮

字靜宜江蘇奉賢人朱象春室

書堂納涼次外韻

疎雨晚初歇書堂景色幽清言不著暑涼意正如
秋竹塢蟲微響蓮塘螢暗流新詩吟未了茗椀此

淹留

胡

瑗字晚如廣東海陽人鄭于雅室

紅梅

玉骨冰肌染嫩紅依依低映粉牆東莫教狼籍春
泥裏常伴妝臺鬪曉風

彭幼玉

浙江海鹽人進士期生妹朱作鵬室○幼玉姊琬字映玉亦工詩

正始集

卷五

三

紅香館

懷王辰若夫人

碧草萋迷接柳枝匆匆良晤夕陽時纖眉畫就春
山色素紙裁成白雪詩風送花香沾去袂烏啼竹
徑冷殘棋歸來靜掩閒庭月欲向清光寄所思

陳素素

號竹西女子江蘇江都人著有二分明月集

秋思

白露下庭砌蛩聲不可聞東家有少婦經歲婿從

軍

